

## Universitätsbibliothek Paderborn

**R. P. Sebastiani Henrici Penzingeri, Consistorialis  
Passaviensis, Decani, & Parochi in Trauttmansdorff ad  
Laitam Bonus Ordo Triplicis Formatæ Concionis Moralis In  
Omnia Festa Sanctorum In Amplissima ...**

**Penzinger, Sebastian Heinrich**

**Solisbaci, 1698**

Concio Prima. Textus: Hæc mando vobis, ut diligatis invicem. Joannis  
cap.15. Thema: Charitas ad invicem, semen est benedictionum.

[urn:nbn:de:hbz:466:1-51763](#)

OCTOBER.  
IN FESTO SANCTORUM  
SIMONIS ET JUDÆ.

## CONCIO PRIMA.

*Hac mando vobis, ut diligatis invicem. Joan. 15.* Textus.

Charitas ad invicem, semen est benedicti-  
onum. Thema.

**C**haritas flammæa dicitur, Academicus lemmaticè in Exordium.  
scripsit causalem: *Hac mediâ producitur aurum.* Per  
flammeos, & ignitos solis radios, profundos terræ  
meatus penetrantes aurum producitur: sic charitas  
ad fratrem, aureum causat meritum, regale præmium, copio-  
sam retributionem. Audiamus Scripturam: *Charitas operit* Textus Sacre  
*multitudinem peccatorum.* concionatur S. Petrus ep. 1. cap. 4. & Scripturae.  
S. Joan. ep. 1. cap. 2. *Qui diligit fratrem, in lumine manet;* in  
lumine, inquam, gratiæ. Et iterum cap. 4. *Si diligamus nos in-*  
*vicem, Deus in nobis manet,* & charitas in nobis perfecta est.  
Ipsemet Christus inquit Matthæi 18. *Si duo vel tres consense-*  
*rint super terram, de omni re, quam petierint, fiet illis à Patre*  
*meo.* Quàm mellifluè scribunt desuper Patres: O quàm fe- ss. Patres.  
lix, & beata est anima, quæ charitatem in se habere meretur!  
Charitas sicuti potua est, esuriensi cibus, in amaritudine posi-  
tū dulcedo, in tristitia constitutus, vera, & grata consolatio. S. Augustin.  
Quantibus portus, errantium via, peregrinantibus patria. scribit

(Oo) 2 S. Augu-

S. Augustinus Serm. 42. de tempore: & iterum de laudibus charitatis: *Charitas est, sine qua tibi nihil prodest quodcumque habueris, quam se solam habes, tibi sufficit, habere autem omnia sacramenta, & malus esse potes, habere autem charitatem, malus esse non potes.* Unde inquit tractatu 17. in Joannem: *qui Deum non vides, diligendo proximum promereris quem deas, diligendo proximum purgas oculum ad videndum Deum.*

*S. Paschasius.* Ex charitate celstido meritorum, hinc Reges sumus, hinc Sacerdotes, hinc triumphatores, hinc filii Dei sumus. docet S. Paschasius lib. 4. in Matth. Tunc ad alta charitas mirabiliter surgit,

*S. Gregorius.* cum ad ima proximorum se misericorditer demittit, & que beneignè descendit ad infima, valenter recurrit ad summa. scribit S. Gregorius in Pastorali. Tale est bonum pacis, quod ex fraternâ oritur charitate, ut in rebus creatis, nihil gratiosius soleat

*S. Laurentius Justinianus.* audiri, nihil delectabilius concupisci, nihil utilius possideri. ita habet S. Laurentius Justinianus in ligno vitæ cap. 15. Hinc S. Chrysostomus tom. 5. hom. 1. contra Amoneos intitulat charitatem: caput omnium bonorum: *Certè sciat charitatem caput esse omnium bonorum, & radicem, & fontem, & parentem;* & hom. 33. ep. 1. ad Corinth. *Charitas veluti frugi quadam apicula, bona omnia undique collecta in amantis animam comportat.* Invocatâ Spiritûs S. gratiâ desuper Conceptus dabo.

## CONCEPTUS I.

*Confirmatio.* Postquam primus homo, Adam, peccasset, & totum genus hominum in extremas miserias conjecisset, omnino clementissime annuit unigenitus Dei Filius humanam naturam assumere, & perditum hominem redimere, multis tamen annorum milibus distulit incarnari, tandem post 4000. millia, & ultra annos clausos, sub Imperio Augusti Octaviani, Homo in terram natus est: & opus redemptionis incipit, ut Paulus ad Galatas cap. 4. describit: *At ubi venit plenitudo temporis, misit Deus filium suum,*

sum, nascitur ex muliere, factum sub lege, ut eos, qui sub lege erant, redimeret. Cur recte incarnatus, ad omnium salutem Christus nascitur sub Augusto Octaviano? quo inodo tunc recte contigit plenitudo temporis? temporis felicissimi, desideratissimi, & à Patribus in limbo exoptatissimi? considerare libeat: sub Cœfere Augusto inter mortales floruisse auream charitatem, cum summa pace, & concordia: ita S. Lucas cap. 2. *In illo tempore exiit edictum à Casare Augusto, ut describeretur universus orbis, hac descriptio prima facta est à praeside Syria Cyrino. Et ibant omnes, ut profiterentur singulati in suam civitatem.* Lucæ cap. 2. Charitas ergo inter mortales, traxit de cœlo multis annorum millibus desideratum Salvatorem, charitas inter mortales fructificavit gratiæ plenitudinem, ut dum summa floreret charitas, pax, & concordia, summum tribueret mundo solatium, universorum Salvatorem. Ita Bernardus: *Venit plenitudo temporum, & abundantia temporalium, nam ut cetera soleam, ipsa quoque pax temporalis in illo tempore tanta fuit, ut ad hominis unius edictum, describeretur universus orbis.*

## CONCEPTUS II.

Jacob ad mortem decumbens vocat filios suos hac intentiōne, vel paternam illis benedictionem ob bona merita impetriri, vel ob commissa crimina eos castigare. Veniens ad filium suum primogenitum Ruben, ad eum inquit: *Ruben primogenitus meus, tu fortitudo mea, & principium doloris mei, effusus es ut aqua, non crescas, quia ascendisti cubile patris tui.* Genel. 49. Jacob malum imprecatur Ruben, *non crescas.* Malum hoc, ac imprecationem Jacobi, tollit de Tribū Ruben, Moyses Deuter. 33. *Vivat Ruben, & non moriatur.* Jacob Ruben maledicit, Moyses benedit, Jacob Ruben condemnat, *non crescat:* Moyses absolvit: *Vivat Ruben.* Quæ merita inveniuntur in Ruben, ex quibus maledictio patris tollitur, à malo absolvitur? Meritum Ruben est charitas erga fratrem, patet Genel. 37. Concludunt fratres Josephum occidere: *Venite occidamus eum, & mittamus in cisternam.*

(Oo) 3

nata

nam veterem, dicamusque fera pessima devoravit eum, & invic  
apparebit, quid illi profint somnia sua: Audiens autem hac Ru  
ben, nitebatur liberare eum de manibus eorum, & dicebat, non  
interficiamus animam ejus, nec effundamus sanguinem ejus. Hoc  
charitas erga fratrem Joseph, Patris maledictionem in Ruben la  
tam abstulit, a peccato absolvit, gratiâ donavit. Est hic Concep  
tus Didonis in Catena Græca: Non poterat Jacob non maledi  
cere intemperanti filio, ad posteros deterrendos, debuit autem  
illum criminis culpa liberare Moyses, quia pepercit Joseph.

### CONCEPTUS III.

Stellam, quam viderant Magi in Oriente speciatim, stellam ejus, hoc est, stellam Dei, Magi vocant: *Vidimus stellam ejus.* Matth. cap. 2. Desuper S. Maximus hom. 4. de Epiph. Benè ejus, quia quamvis omnes ab eodem creatæ stelle ipsius sint, hactamen propriè Christi erat. Sed cur hæc stella, magis Dei stella, quam reliquæ? Respondeat Sylveira tom. 5. lib. 2. cap. 4. quæst. 12. num. 45. folio 251. *Stella, quæ cum esset in cœlo, ac loco sublimi, hu  
milibus non renuit hominibus in terrâ tegentibus, famulari, ha  
esse non potest, nisi stella Dei, ex Deique halitu venire.* Char  
itatis officium præstítit hæc stella, famulata est, & iter demon  
stravit peregrinis, charitas eam fecit præ cæteris specialiter stel  
lam Dei: Charitativi præ cæteris Dei sunt, quibus, inquam, Deus  
suas gratias, & favores mirum elargitur.

### CONCEPTUS IV.

Saul Rex legem tulerat, quâ morti damnabat maleficas, &  
fagas: *Saul abstulit magos & ariolos de terrâ,* i. Regum cap. 28.  
Denunciant Regi famulantes: *Est mulier, Pythonem habens in  
Endor.* Utique maleficam hanc captivari & ligari, dein, secun  
dum legem latam cremari imperat? non legitur sententiali edi  
cto mulierem hanc Pythonem habentem judicâsse; quid pecca  
tricem

tricem à lege latâ exemit? quid à suppicio ream intactam conservavit? conservavit charitas: Mulier hæc dum Regem in persona super delictum ejus inquisitum advenire intelligeret, pro eo, ut fuderet, se subduceret, totam se in charitatis obsequia impendit; Regem, & comitatum opiparo excipit convivio; audiamus Scripturam: *Mulier illa habuit vitulum pascualem in domo, & festinavit, & occidit illum, tulitque farinam, miscuit eam, & coxit azima, & posuit ante Saul, & ante servos ejus.* Ecce charitatis armis, obviavit discriminis, sicut se dignam fecit, quæ speciali privilegio eriperetur morti, inquirentes eam ad mortis sententiam cibavit, lassis ab itinere vires refudit; ergo de charitatis merito texit crimina, & urgentia mortis ignorat mandata; charitas dum alieno commodo incumbit sedula, sibi vel maxime invenitur proficia. *Non memini malâ morte mortuum, qui liberter exercuit opera charitatis.*

### CONCEPTUS V.

Jacob profiscens in Mesopotamiam conspexit in visu scalam summitatem cœlum tangentem, cui Deus innitebatur, & Angeli per eam scalam ascendebant, & descendebant: *Vidisque in somnis scalam stantem super terram, & cacumen illius tangens cœlum, Angelos quoque Dei ascendentibus, & descendebant per eam, & Dominum innixum scalæ, dicentem sibi: Ego sum Dominus Deus Abraham patris tui, & Deus Isaac, terram, in qua dormis, tibi dabo, & semini tuo.* Genef. 28. Quid hæc scala indicat? dein quæ merita Jacobi de tantâ repromissione? S. Chrysostomus hom. 6. in ep. ad Titum, per hanc scalam à Jacob visam, intignem ejus erga fratrem Esau charitatem intelligit: *Hæc scala, que in cœlum usque porrigitur:* Ex charitate cessit Jacob fratri suo Esau, ex charitate renunciavit domui paternæ, ac deliciis domesticis, tantum bene habeat Esau, ut hic dominetur, Jacob servum agit; quiescat Esau, Jacob vigilat, deliciis fruatur, Jacob spontaneam subiit paupertatem; o verè insignis charitas! hæc charitas per scalam à terra sursum usque in cœlum pertingentem repræsentatur;

tatur; ad indicandum; uti scala à terrâ usque cœlum pertingebat, ita charitas fraterna, terrena unit cœlestibus. Deus innitetur scalæ, nempè charitativis Deus miro modo addictus est, iisque suâ gratiâ innititur: Per scalam ascendebant, & descendebant. Angeli, charitatiyi, inquam, continuò ac indeinxenter fruuntur cœlestium spirituum subsidio, & auxilio, quām velocissime deferunt coram Deo, opera charitatis, ac largissima pro iis benedictionum referunt prœmia, spiritus cœlestes. Audiamus S. Chrysostomum: *Charitas est proprium Christianæ religionis insigne, per quam & scipuli noscuntur, hæc nostrorum criminum medicina est, ha animæ nostræ fôrdes mundat, hæc scala, qua in cœlum usque pro rigitur, hæc denique fons omnium benedictionum.* Expressit hoc S. Paulus Apostolus 1. ad Corinth. 13.

## CONCEPTUS VI.

De Charitate inquit S. Paulus: *Charitas non querit quæ sua sunt.* Quomodo non querit quæ sua sunt? explico me: quæ quis actu in manu suâ teneret, habet & possidet, illa non querit, sed querit quis ea, quæ non habet, quæ non possidet, charitas ergo non querit quæ sua sunt, quasi omnia actu possideat, actu sit domina, omnium Dei donorum, gratiarum, & benedictionum: est hæc subtilis interpretatio Hugonis Cardinalis in citatam Pauli epistolam: *Quamobrem non querit, quia ei nihil deficit, non querit, quod habet charitas.* Quisquis igitur charitatis thesaurum possidet, omnia hujus mundi bona habet, omnes cœli thesauros manibus tenet, nullius rei necessitate premi potest. *Quia nihil ei deficit, non queritur, quod habetur.* Noverat hoc peritissimus ille mercator Matth. cap. 13.

## CONCEPTUS VII.

S. Evangelista dicit: *Simile est regnum cœlorum homini negotiatori, querenti bonas margaritas, inventâ autem una pretiosa margaritâ, abiit, & vendidit omnia, quæ habuit, & emit*

cam. Plures margaritas hic mercator abiit emere, & quærere? cur ergo unicā margaritā inventā contentus, jam plures com- parare cessat? & intermittit? an fors in-hac unā margaritā, omnes reliquas unā simul reperit? Ita respondet S. Augustinus quæst. 13. in Matth. Per hanc pretiosam margaritam, charitatem proximi intelligens, quæ immensi pretii est gemma, ut pretio, & valore suo, omnes Christianarum virtutum gemmas, in immensum ex- superet, nec est, quod post inventam illam, queratur alia, illa namque inventa, reperitur quidquid ab aliquo quereri, aut neces- se cuipiam esse possit, quippè hæc, cuncta in se bona complecti- tur, quæ quis ad corporis, & animæ locupletationem valet desi- derare, donorum & gratiarum Dei, in se complementum con- tinens. Audiamus verba S. Augustini: *Præcepta justitia quærens, quibus servatis cum hominibus rectè conversatur, invenit dilectionem proximi, in quo uno dicit Apostolus omnia contineri.* Patet ulterius in Christi testamento.

### CONCEPTUS VIII.

Christus Servator noster, antequam iniret mortis agonem, in cenā ultimā fecit testamentum, ac suæ voluntatis dispositio- nem; utique illud, quod Discipulis, & Christianis omnibus the- saurorum Dominus legavit, ac ultimum reliquit, est pretiosissi- morum pretiosissimum? non enim exiguum quid, sed medullam rei bonæ, ac pretiosæ amantissimus Dominus reliquerit, censem- dum est. Quid ergo illud pretiosissimum, quod Christus, testa- menti loco, ex immensâ thesaurorum suorum copiâ reliquit, ac donavit? Joannes hoc nominat cap. 13. *Hac mando vobis, ut di- ligatis invicem.* Charitas est illud pretiosissimum ac inestima- bile in thesauro divino; charitas, inquit S. Ambrosius præfat. 2. ad missam: à nomine *charius*, derivata est, *quia illa charius in- veniri non potest*; unde de ultimâ voluntate, & testamento Chri- sti, charitate, & dilectione proximi imperata, concludit Oleaster in cap. 23. Genes. *Cum quod relinqueret eis, melius non habe- ret, reliquit mutuam charitatem.* Sufficit, inquam, ad omnem prosperitatem & salutem in via, ad gloriam, & coronam in pa- triâ.

Pars II.

(Pp)

tria.

triâ. Testem pro coronide produco S. Stephanum: Actorum  
cap. 7. exclamantem:

## CONCEPTUS IX.

*Video calos apertos, & JESUM stantem à dextris virtutis  
DEI. Cœlum reseratur, Stephanum civem suum cum triumpho  
recepturum; stat JESUS, Stephano omnimodè patrocinium latu-  
rus, tanti favoris meritum S. Fulgentius Serm. de S. Stephano,  
charitatem allegat: Per charitatem sacerdientibus Iudaï non cœ-  
fit, per charitatem proximi pro lapidantibus intercessit, per cha-  
ritatem arguebat errantes, ut corrigerentur, per charitatem  
orabat pro lapidantibus, ne punirentur, charitatis virtute subni-  
xus vicit Paulum crudeliter sacerdientem, & quem habebat in ter-  
râ persecutorem, in cœlo meruit habere consortem.*

Epilogus.

*Induite vos ergo sicut electi Dei, Sancti & dilecti, viscera  
misericordiae, benignitatem, humilitatem, modestiam, patientem,  
supportantes invicem, & donantes vobis met ipsis &c. super omnia  
autem charitatem habete, quod est vinculum perfectionis,  
& pax Christi exultet in cordibus vestris. hortor  
cum S. Paulo ad Coloss. 3.*

Amen.



IN FESTO